

p. 469 : 2【常同常別】《大乘止觀法門》卷4：「問曰：諸佛既離我執。云何得有十方三世諸佛別也？答曰：若離我執，證得心體平等之時。實無十方三世之異。但本在因地未離執時。各別發願。各修淨土。各化眾生。如是等業差別不同。熏於淨心。心性依別熏之力故。現此十方三世諸佛。依正二報相別。非謂真如之體有此差別之相。以是義故。一切諸佛常同常別。古今法爾。是故經言：『文殊法常爾。法王唯一法。一切無礙人。一道出生死。一切諸佛身。唯是一法身。』此即同異雙論。若一向唯同無別者。何故經言『一切諸佛身』、『一切無礙人』。若一向唯別不同者。何故經言『唯是一法身』、『一道出生死』。以是義故。真心雖復平等而復具有差別之性。若解明鏡一質即具眾像之性者。則不迷法界法門。」(T46,p.659b21-c7)

p. 470 : -1【十二光佛即十二如來】續法《楞嚴經勢至圓通章疏鈔》卷1：「〈疏〉俱名光者。因中念本覺佛。發明心光。果上成妙覺佛。現起身光故。十二如來相繼一劫者。一約能念。表行者十二時中於自性佛淨念相繼。打成一片。不得彈指頃念世間五欲。則無量性光自然發明也。二約所得。則轉十二類生而成十二聖位。轉十二處妄想而成十二處佛德也。然十二佛。乃古如來。非今彌陀。而其名號同者。以師資一道古今不異。如釋迦觀音之類。」「〈鈔〉然下。通妨難。云據大本意。十二佛名乃無量壽佛別號。唯一佛身。此何說言有十二佛相繼出耶？故此通云：諸佛同名甚多故。十二佛乃是往古。非今法藏所成佛也。若爾。何以今名濫古號耶？故又釋云：詳彌陀勢至同時發心。所師之佛。亦同無異。而今彌陀十二別號同古佛者。表顯師資。即心即佛之道一也。猶今釋迦立號倣同古釋迦佛。今觀音名倣同古觀音等故。大本彌陀經云。過無量佛剎同名釋迦者。不可勝數。則無量壽佛之名。百千萬億不可窮盡。何止於一佛耶。」(X16,p.380,a17-c16)

p. 471 : 3【十五、十三光】（唐譯）《大寶積經》卷17：「無量壽佛復有異名，謂¹無量光、²無邊光、³無著光、⁴無礙光、⁵光照王、⁶端嚴光、⁷愛光、⁸喜光、⁹可觀光、¹⁰不思議光、¹¹無等光、¹²不可稱量光、¹³映蔽日光、¹⁴映蔽月光、¹⁵掩奪日月光。」(T11,p.95,c23-27)（宋譯）：「今此光明，名¹無量光、²無礙光、³常照光、⁴不空光、⁵利益光、⁶愛樂光、⁷安隱光、⁸解脫

光、⁹無等光、¹⁰不思議光、¹¹過日月光、¹²奪一切世間光、¹³無垢清淨光。」(T12,p.321,c22-26) (魏譯)：「無量壽佛號¹無量光佛、²無邊光佛、³無礙光佛、⁴無對光佛、⁵炎王光佛、⁶清淨光佛、⁷歡喜光佛、⁸智慧光佛、⁹不斷光佛、¹⁰難思光佛、¹¹無稱光佛、¹²超日月光佛。」(T12,p.270,a29-b3)

p. 471 : 5【讚阿彌陀佛偈】曇鸞《讚阿彌陀佛偈》卷 1 (節錄)：「南無至心歸命禮西方阿彌陀佛

1 智慧光明不可量	故佛又號 <u>無量光</u>	有量諸相蒙光曉	是故稽首真實明
2 解脫光輪無限齊	故佛又號 <u>無邊光</u>	蒙光觸者離有無	是故稽首平等覺
3 光雲無礙如虛空	故佛又號 <u>無礙光</u>	一切有礙蒙光澤	是故頂禮難思議
4 清淨光明無有對	故佛又號 <u>無對光</u>	遇斯光者業繫除	是故稽首畢竟依
5 佛光照耀最第一	故佛又號 <u>光炎王</u>	三塗黑闇蒙光啟	是故頂禮大應供
6 道光明朗色超絕	故佛又號 <u>清淨光</u>	一蒙光照罪垢除	皆得解脫故頂禮
7 慈光遐被施安樂	故佛又號 <u>歡喜光</u>	光所至處得法喜	稽首頂禮大安慰
8 佛光能破無明闇	故佛又號 <u>智慧光</u>	一切諸佛三乘眾	咸共歎譽故稽首
9 光明一切時普照	故佛又號 <u>不斷光</u>	聞光力故心不斷	皆得往生故頂禮
10 其光除佛莫能測	故佛又號 <u>難思光</u>	十方諸佛歎往生	稱其功德故稽首
11 神光離相不可名	故佛又號 <u>無稱光</u>	因光成佛光赫然	諸佛所歎故頂禮
12 光明照耀過日月	故佛號 <u>超日月光</u>	釋迦佛歎尚不盡	故我稽首無等等

願共諸眾生往生安樂國。」(T47,p.420,c25-p.421,b14)

p. 473 : 9【若是文殊，則二文殊】《首楞嚴經》卷 2：「如是，世尊！我真文殊，無是文殊。何以故？若有是者，則二文殊。然我今日非無文殊，於中實無是非二相。」(T19,p.112,b22-25)《楞嚴經正脈疏》卷 2：「言我既惟一身。不可更說於是。…言其但說於是。須二文殊。一是一非。方可對非說是。今乃惟一。故無是也。…尚不容於說是。而況更可說於非乎。蓋非無二字意既相同。即可換過云：無非文殊。即明快矣。」(X12,p.231,b20-c4)於真實文殊體中，實無從說是及與說非；說既叵說，安有是非二相可得耶？此喻一真無是非，真如體中，不剩一法，不少一法，圓同太虛，無欠無餘故也。

p. 475 : 4&-3【宋譯】《佛說大乘無量壽莊嚴經》卷 2：「今此光明，名無

量光、無礙光、常照光、不空光、利益光、愛樂光、安隱光、解脫光、無等光、不思議光、過日月光、奪一切世間光、無垢清淨光，如是光明，普照十方一切世界。」(T12,p.321c22-26)

p. 479 : -2【若有機緣】眾生「遇斯光者」：1.有宿世善根福德因緣者方能得聞，聞名、聞經時即是蒙「佛光」照；2.聞而能信，方能「稱說」一讀誦經文或稱念佛名。3.信而能解、能發願，才願意「至心」、「日夜不斷」的念佛。4.至心信樂而發願、而念佛，方可臨終心不顛倒、意不動亂，蒙佛接引，自在往生。（聞思修、信願行）如本書 p.481:「真實念佛之人，皆是具緣遇光之人也。」

問：有人無「解」而能行，亦能受益，如何？答：焉能無「解」而肯發願念佛？須知「解」有宿世、今生不同，有淺、深不同；若全無「解」，怎肯「信」而行持？故知，淺解而行亦能獲益，所謂「若人散亂心，一稱南無佛，皆共成佛道。」更何況能念念在心、時時不忘，常常「憶佛念佛」，此行常與佛願相應，豈可謂「淺解」？必然獲益矣！又，何謂「深解」？應有如下幾點：1.真正認識瞭解彌陀本願，2.有絕對真實、堅固信心（具足六信），3.深切的求解脫心、道心，發大菩提心，4.了知諸法實相（中道第一義諦、如來藏性），所謂「心佛眾生，三無差別」，深悟「一心」本具「三千性相」、「具足無量清淨功德莊嚴」。故知：「解」心之深淺，必定影響「行」之獲益廣狹。

p. 481 : 7【心地觀經】《大乘本生心地觀經淺註》卷3：「『以其』下。承法獲益。『追』者隨逐也。謂父母魂魄杳冥。人不能見。隨逐親亡之日。作殊勝福以薦之。是為追薦。『有大』下。見其功效也。深蒙法力。能感佛放金光。下照地獄。『光中』下。金光說法也。或說無常苦空。無我不淨等。或說六度大乘。心地法門等。『深妙音』者。以一音中具足多種法門。隨機所解。各有開悟。令者使也。即法力使之也。『發意』即是發心。謂既能開悟。必當發心。或發聲聞辟支佛心。或發菩提心。此是孝順男女。修諸功德。報恩拔濟之如此也(金光說法者。不唯子之大孝所感。猶顯佛之慈悲廣大也)。」(X20,p.963a10-20)

◎壽眾無量第十三

- 1.本品顯三無量：一、佛壽無量。二、會眾無量。三、會眾壽命亦復無量。
一者顯法身德。二者顯彌陀大願普度無量。三者主伴如如，真實不可思議。
- 2.此是第 15「壽命無量願」及第 16「聲聞無數願」(p.297)之願成就文。全文分：1.法說。2.喻明。3.法喻合。
- 3.聖眾無量故，一往生即得與諸上善人俱會一處。又復壽命無量故，帶惑往生者，一登彼土便無退轉，於彼土皆可於一生之中補佛位而證極果。如《彌陀要解》云：「由無量壽義，故極樂人民，即是一生補處，皆定此生成佛，不至異生。」

p. 482 : -1【有無數聲聞眾】(魏譯)：「聲聞、菩薩其數難量，不可稱說，神智洞達，威力自在，能於掌中持一切世界。」(漢譯、吳譯)諸菩薩、阿羅漢。(宋譯)：「無量壽如來，有如是百、千、萬……如是無量無數聲聞之眾，譬喻算數數不能及。」(唐譯)：「無量壽如來，諸聲聞眾不可稱量知其邊際。」

p. 484 : 4【維摩經】《維摩詰所說經》卷 2〈不思議品第六〉：「住不可思議解脫菩薩，斷取三千大千世界，…而此世界本相如故。…又菩薩以一佛土眾生置之右掌，飛到十方遍示一切，而不動本處。」(T14,p.546c4-15)太虛《第七編 法界圓覺學》卷 4：「玄奘法師亦至天竺，曾造維摩之室。賭此小室，頗懷疑經說之非事實，擬題維摩室壁，申述己意。詎濡毫向壁欲書，而壁與身終距離而莫能近，捉摸不得，幾於終日，仍不曾寫著一字。玄奘擱筆稱歎維摩詰應跡所遺，尚不可思議若此，其在當世之時現神通力，更可想見矣！疑團從茲頓解。」(TX11,p.866a6-10)

p. 487 : 1【壽命同佛無量】《淨土十要·彌陀要解》云：「心性照而常寂故為壽命。今徹證心性無量之體。故壽命無量也。……當知光壽名號皆本眾生建立。以生佛平等。能令持名者。照與光融。壽同佛寂也（光明壽命同佛無異）。」(X61,p.651,c19-p.652,a8)

◎寶樹遍國第十四

1. 本品重顯極樂國土依報莊嚴。七寶行樹，周遍其國，此諸寶樹，或一寶獨成，或多寶共作。樹皆整齊莊嚴，光色殊妙，隨風奏樂，音調和雅。此即第40「無量色樹願」(p.347)之成就。
2. 《彌陀經》：「微風吹動諸寶行樹及寶羅網，出微妙音，譬如百千種樂同時俱作，聞是音者，自然皆生念佛、念法、念僧之心。」
3. 文中「榮色光曜」、「出五音聲」等義，深言之，一切妙寶皆彌陀性德所顯，一一寶中備具一切珍寶之妙德，一一寶樹皆是圓明具德也。

p. 489 : 6【相當】(魏譯)：「行行相值、莖莖相望、枝枝相準、葉葉相向、華華相順、實實相當。」(T12,p.270,c28-29)《觀經義疏正觀記》卷2：「相當。言其行不參差。相次。言其葉不疎闕。」(X22,p.406,a18-19)《觀經直指疏》卷1：「行行相值。…實實相當。皆明行伍相也。」(X22,p.435,a8-10)

p. 489 : -6【定善義】即善導大師《四帖疏》卷3，寶樹觀第四。《觀無量壽佛經疏》卷3(T37,p.264b8-15)

p. 489 : -4【彼界位是無漏無生】《釋淨土群疑論》卷1：「問曰：極樂世界既許凡夫得生。未知。為是有漏土？為是無漏土？釋曰：如來所變土。佛心無漏。土還無漏。凡夫之心未得無漏。依彼如來無漏土上。自心變現作有漏土而生其中。若約如來本土而說。則亦得名生無漏土。若約自心所變之土而受用者。亦得說言生有漏土。雖有漏。以託如來無漏之土而變現故。極似佛無漏。亦無眾惡過患。」(T47,p.32a27-b6)《觀經四帖疏傳通記》卷2：「委細分別法相之時，應如所引。…若依此教，要在述如來他力本願，故判無漏。」
 ~本會版 p.617《佛地經論》卷1：「如實義者。如來身土甚深微妙。非有非無。非是有漏亦非無漏。非善非惡。亦非無記。非蘊界等法門所攝。但隨所宜。種種異說。……如是淨土為與三界同一處所？為各別耶？有義各別。有處說在淨居天上。有處說在西方等故。有義同處。淨土周圓無有邊際。遍法界故。如實義者。實受用土周遍法界。無處不有。不可說言離三界處。亦不可說即三界處。若隨菩薩所宜現者。或在色界淨居天上。或西方等處所不定。」(T26,pp.293c17-294a1)

p. 490 : 2【出五音聲】唐代淨土宗法照大師根據《無量壽經》而建立「五會念佛」。經云：「清風時發出五音聲，微妙宮商，自然相和。」這就是五會念佛的出處。法照並有偈贊云：第一會時除亂意，第二高聲遍有緣，第三響揚能哀雅，第四和鳴真可憐，第五震動天魔散，能令念者入深禪。《淨土五會念佛誦經觀行儀卷中·下》卷3：「第一會時除亂意 第二高聲遍有緣 第三響颺能哀雅 第四和鳴真可憐 第五震動天魔散 能令念者入深禪 五會聲中十種利 為令學者用心堅 妙音五會摩尼寶 能雨無邊聖法財 智者必須依此學 臨終一念坐蓮臺。」(T85,p.1257,a29-b6)〈五會念佛〉mp3：讚佛偈→第一會（六字，5：31）→第二會（六字，9：01）→第三會（六字，14：09）→第四會（四字，19：12）→第五會（四字，21：56~30：00）

p. 490 : -3【圓明具德】《觀無量壽佛經》：「妙真珠網彌覆樹上。一一樹上有七重網。一一網間有五百億妙華宮殿。如梵王宮。諸天童子自然在中。一一童子。五百億釋迦毗楞伽摩尼以為瓔珞。其摩尼光照百由旬。猶如和合百億日月。不可具名。眾寶間錯。色中上者。…一一樹葉…涌生諸果。如帝釋餅。有大光明化成幢幡無量寶蓋。是寶蓋中。映現三千大千世界一切佛事。十方佛國亦於中現。」《觀無量壽佛經疏妙宗鈔》卷4：「四、『有大』下，現佛國。非獨現一大千，十方佛刹亦於中現。樹觀若發，轉觀佛土，亦應不難。……雖因光蓋見十方土，然從樹起，故須結末而歸其本。」(T37,p.219a20-23)《四帖疏》卷3：「正明果有不思議德用之相。…三、明果有神光化成幡蓋。四、明寶蓋圓明內現三千之界，依正二嚴種種相現。五、明十方淨土普現蓋中，彼國人天無不覩見。又此樹量彌高，縱廣彌闊，華果眾多，神變非一。一一樹既然，遍滿彼國所有諸樹之果眾多，盡皆如此。」(T37,p.264,c9-17)

『主伴圓明具德門』：諸法相即相入，成一大緣起。所以隨舉一法即可為主，餘一切法悉可為伴，周匝圍繞，無雜無礙，故云『主伴圓明』。諸法雖互有主伴之別，而不壞差別之相，相依相成，一體無礙。彼此隱顯，主伴交輝；一多攝入，連帶緣起，故云『具德』。十方諸佛、菩薩，互為主伴，重重交參，同時頓唱圓教法門，所說法門稱性極談，具足眾德。若能圓明了知，不僅佛菩薩如此，凡觀任一法，皆圓融無礙具足無盡功德莊嚴相。